



## Møtebok for Kommunestyret

**Møtedato:** 25.03.2021  
**Møtestad:** Bryggjeslottet på Mo  
**Møtetid:** 09:00 - 13:00

Orientering om utviklingsprosjekt NAV Nordhordland  
v/Aina Merete Steinsland  
Orientering om Klimapartnere Vestland  
v/Renate Nedregård  
Etter kommunestyremøtet vert det temamøte om  
rekrutteringsstrategi for sjukepleiarar.

| Frammøtte medlemmer   | Parti | Rolle        | Merknad                                                                               |
|-----------------------|-------|--------------|---------------------------------------------------------------------------------------|
| Kjetil Eikefet        | SA    | Ordførar     |                                                                                       |
| Kristin Nåmdal        | SA    | Medlem       |                                                                                       |
| Ove Eidsnes           | SA    | Medlem       | Måtte forlate møtet 1230, og var ikkje med på røysting i sak 017/21                   |
| Liv Anne Aanesen      | SA    | Medlem       |                                                                                       |
| Anne Britt Almelid    | SA    | Medlem       |                                                                                       |
| Marit Kristin Nese    | SA    | Medlem       | Var borte frå møtet frå klokka 1215 - 1228                                            |
| Ann-Jorunn Farestveit | SO    | Varaordførar | Vart forseinka. Kom inn i møtet klokka 11 under orientering frå Klimapartner Vestland |

|                           |    |        |                                                  |
|---------------------------|----|--------|--------------------------------------------------|
|                           |    |        |                                                  |
| Linda Neset               | SO | Medlem |                                                  |
| Robert Helland            | SO | Medlem |                                                  |
| Håvard Engeseth           | SO | Medlem | Var borte frå møtet<br>frå klokka 1200 -<br>1215 |
| Ole Kristian Øvre Helland | SO | Medlem |                                                  |
| Sigrunn Almelid Birkeland | SO | Medlem |                                                  |

|                                  |              |              |                |
|----------------------------------|--------------|--------------|----------------|
| <b>Forfall meldt frå medlem:</b> | <b>Parti</b> | <b>Rolle</b> | <b>Merknad</b> |
| Roger Wilhelm Fure               | SA           | Medlem       | Meldt forfall  |

|                                     |              |              |                     |
|-------------------------------------|--------------|--------------|---------------------|
| <b>Frammøtte<br/>varamedlemmer:</b> | <b>Parti</b> | <b>Rolle</b> | <b>Merknad</b>      |
| Inga Jorunn Nåmdal                  | SA           | Varamedlem   | Vara for Roger Fure |

|                              |                         |                |                |
|------------------------------|-------------------------|----------------|----------------|
| <b>Frå administrasjonen:</b> | <b>Funksjon:</b>        | <b>Rolle</b>   | <b>Merknad</b> |
| Jo Bjarte Tømmerbakke        | Rådmann                 | Møtesekretær   |                |
| Ove Sæbø                     | Assisterande<br>rådmann | Administrasjon |                |

## Sakliste

| Saknr    | Tittel                                                                      |
|----------|-----------------------------------------------------------------------------|
| 010/2021 | Godkjenning av innkalling og sakliste                                       |
| 011/2021 | Godkjenning av møteprotokoll                                                |
| 012/2021 | Orienteringssaker                                                           |
| 013/2021 | Val av nytt medlem til kontrollutvalet for kommunestyreperioden 2019 - 2023 |
| 014/2021 | Stortingsvalet 2021 - Valkrinsar - Elektronisk avstemming                   |
| 015/2021 | Val av røystestyre for 2021 - 2023                                          |
| 016/2021 | Kommunal planstrategi 2020 - 2023                                           |
| 017/2021 | Saksframlegg retningsline for ungjobb 2021                                  |

## Sakspapir

| Saksbehandler           | Arkiv  | ArkivsakID |
|-------------------------|--------|------------|
| Anneli Vathe Lilletvedt | FE-033 | 21/66      |

| Saksnr   | Utvalg        | Type | Dato       |
|----------|---------------|------|------------|
| 010/2021 | Kommunestyret | PS   | 25.03.2021 |

### Godkjenning av innkalling og sakliste

#### Forslag til vedtak:

Innkalling og sakliste vert godkjent

#### Saksopplysningar:

#### Kommunestyret - 010/2021

#### KS - behandling:

Sigrunn Birkeland etteryste at kommuneplan for Modalen ikkje er lagt ved sak 016/2021 Kommunal planstrategi. Rådmannen viste til at kommuneplanen ligg på kommunen si heimeside, og at formannskapet tidlegare har gjort vedtak om ikkje å revidere gjeldande kommuneplan.

Ordførar orienterte om at temamøte rekrutteringstiltak vert utsatt til neste fysiske kommunestyremøte. Ordførar bad om at administrasjonen utarbeidde forslag som var forankra hjå dei tillitsvalde i Modalen kommune.

Varaordførar kom inn i møtet kl. 11.00, under orienteringa frå Klimapartner.  
Samrøystes vedteke

#### KS - vedtak:

Innkalling og sakliste vert godkjent

## Sakspapir

| Saksbehandler         | Arkiv  | ArkivsakID |
|-----------------------|--------|------------|
| Jo Bjarte Tømmerbakke | FE-033 | 21/66      |

| Saksnr   | Utvalg        | Type | Dato       |
|----------|---------------|------|------------|
| 011/2021 | Kommunestyret | PS   | 25.03.2021 |

### Godkjenning av møteprotokoll

#### Forslag til vedtak:

Møteprotokoll vert godkjend slik den ligg føre

#### Saksopplysningar:

### Kommunestyret - 011/2021

#### KS - behandling:

Samrøystes vedteke

#### KS - vedtak:

Møteprotokoll vert godkjend slik den ligg føre

#### Vedlegg:

Protokoll - Kommunestyret - 18.02.2021

## Sakspapir

| Saksbehandler           | Arkiv  | ArkivsakID |
|-------------------------|--------|------------|
| Anneli Vatle Lilletvedt | FE-033 | 21/66      |

| Saksnr   | Utvalg        | Type | Dato       |
|----------|---------------|------|------------|
| 012/2021 | Kommunestyret | PS   | 25.03.2021 |

### Orienteringssaker

#### Underliggjande saker:

| Saksnummer | Tittel                                                                                                   |
|------------|----------------------------------------------------------------------------------------------------------|
| 012/2021.1 | Kommunar som har samarbeidsavtale med Vestland fylkeskommune om drift av Etablerersenteret, 2017 – 2020, |

#### Forslag til vedtak:

Sakene vert tekne til orientering

#### Saksopplysningar:

#### Kommunestyret - 012/2021

#### KS - behandling:

NAV v/ Aina M. Steinsland og Nina Strømsnes haldt ei orientering om utviklingsprosjekt som vert gjennomført av NAV region Nordhordland. Satsingsområde: Unge under 25 år som mottar oppfølging frå NAV og som har behov for oppfølging utover direkte formidling til kvalifisering, utdanning eller arbeid.

#### Ordførar orienterte:

- nærskuleprinsippet; fylkestinget har vedteke å greie ut sak om reisetidsgaranti for elevar. Føremålet er å sikre at ingen elevar skal ha meir enn 1 1/2 reisetid med kollektivtilbod. Færre elevar enn før skal få unødig lang reiseveg. Kristin Nåmdal: takka for at oppfølging og peika på at Modalen også bør fokusere på skular i Bergen, ikkje berre Voss.
- ny dato for folkevaldprogram dag 3 vert fredag 18. juni.
- eigedomsskattegrunnlag for kraftanlegg. Modalen kommune er part i sak mot staten vedr. grunnlag for utrekning. Saka er beramma i Oslo tingrett 11. og 12. mai.

**Rådmannen orienterte:**

- pågåande sak kor de var uvisse knytt til mogleg koronasmitte i Modalen. Ventekarantene vart iverksatt. Dette førte til mangel på lærarkrefter, og det vart iverksett digital undervisning for heile Mo skule fram til påskeferien. Nærkontakt til smitta har så langt testa negativt.
- før denne hendinga oppstod var det planlagt kriseleiingsmøte tysdag 23. mars. Dette var for å førebu råd og tiltak inn imot påska, også fordi det i førre formannskap vart drøfta bekymring dersom det kom for mange besøkande til Bryggjeslottet i påska. Modalen oppdaterte sine råd og tiltak etter at regjeringa kom med nasjonale råd onsdag 24. mars.
- status rekruttering av ny kommuneoverlege. Ingen avklaringar, men søknadsfrist er 28. mars. Adm. arbeider med ein plan for perioden fram til ny kommuneoverlege er tilsett.
- Rådmannen orienterte kort om at nytt kommunehus er i rute. Informerte om problemstilling knytt til vassforsyning for å sikre tilstrekkeleg vasstrykk i Mo sentrum, mellom anna knytt til sprinkleranlegg på Mobrygga og kommunehuset.

**Klimapartner Vestland v/ Renate Nedregård** haldt ein presentasjon inkl. kva dei kan tilby kommunar, og svara på spørsmål frå kommunestyret

- Ordførar: Modalen kan trenge litt starthjelp. Kanskje Modalen kommune, som liten kommune, kan vere litt i front.
  - Linda Neset: Korleis kan ein tenkje seg at utslepp skal målast i Modalen (privat/offentleg) inn mot 2030? Nedregård: Dei første åra handler det om å få oversikt over utslepp som kan danne grunnlag for vidare vegval.
  - Kristin Nåmdal: Ynskjer at dette vert lagt fram som politisk sak til kommunestyret, og at ein tek dette som ei orientering i denne omgang.
- Ordførar vil følgje opp orienteringa som politisk sak til kommunestyret.

**Administrasjonen v/ ass. rådmann orienterte:**

- Felles logopedteneste vert for tida greidd ut i samarbeid med Gulen, Masfjorden, Fedje og Austrheim kommunar. Vertskommune er planlagt å vere Austrheim.
- Barnevernsreforma 2022. Modalen kommune er invitert med i drøftingar kor Osterøy og Vaksdal kommunar skal greie ut ny organisering av barnevern.
- Fag- og tenesteutvikling knytt til Helsehuset i Knarvik. Modalen tek del, føremål finne gode utviklingsområde og synergjar.
- Psykologprosjekt i Nordhordland - føremål rekruttere og behalde psykologar. Kjem til handsaming i regionrådet.
- Felles strategisk helse- og omsorgsplan for Nordhordland undervegs. Kjem til handsaming i regionrådet.

**Spørsmål frå Kommunestyret:**

-Sigrun Almelid spurde om at det var planlagt gode løysingar for dei mange som skal parkere i samband med nytt kommunehus? Særleg merksemd mot parkeringsplassen ved kyrkja dersom det samstundes vert parkeringsbehov knytt til gravferd. Rådmannen viste til at det vert arbeidd med parkeringsplan no, og at dette arbeidet ikkje er avslutta.

-Marit Nese etterspurde kommunen sitt bidrag med å kalle inn til første møte i 17. mai-komiteen sitt årlege arbeid. Dette har fungert fint tidlegare, men har ikkje blitt gjort siste åra. Rådmannen vil ta førespurnaden med attende til leiar for kundetorget.

Samrøystes vedteke

**KS - vedtak:**

Sakene vert tekne til orientering

**Vedlegg:**

Kommunar som har samarbeidsavtale med Vestland fylkeskommune om drift av Etablerersenteret, 2017 – 2020,

Aktivitetsrapport 2020 - Etablerersenteret.pdf

Etablerersenteret i sosiale media 2020.pdf



## Sakspapir

| Saksbehandler         | Arkiv  | ArkivsakID |
|-----------------------|--------|------------|
| Jo Bjarte Tømmerbakke | FE-014 | 19/219     |

| Saksnr   | Utvalg        | Type | Dato       |
|----------|---------------|------|------------|
| 009/2021 | Formannskapet | PS   | 09.03.2021 |
| 013/2021 | Kommunestyret | PS   | 25.03.2021 |

### Val av nytt medlem til kontrollutvalet for kommunestyreperioden 2019 - 2023

#### Forslag til vedtak:

**Hallgeir Neset vert fritaken frå sitt verv i kontrollutvalet i kommunestyreperioden 2019 - 2023.**

**...vert vald som nytt fast medlem i kontrollutvalet i kommunestyreperioden 2019 – 2023.**

#### Saksopplysningar:

##### Bakgrunn

Hallgeir Neset som vart vald inn som fast medlem i kontrollutvalet for perioden 2019 – 2023 har flytta ut av kommunen, og har med dette som bakgrunn søkt om å bli fritaken for vervet.

##### Vurdering

Ein føresetnad for å bli vald som medlem i eit folkevald kommunalt organ er at ein er innbyggjar i kommunen. Flytting til ein anna kommune i løpet av perioden ein er vald inn vil difor automatisk vere gyldig og god nok grunn til å bli fritaken for vervet.

På grunn av krav om kjønnsbalanse i kommunale organ, bør det nye faste medlemmet i kontrollutvalet vere ei kvinne. Det er naturleg at ein av varamedlemene vert nytt fast medlem.

##### Konklusjon

Rådmannen tilrår at Hallgeir Neset vert fritaken for vervet i kontrollutvalet, og at det vert valt inn nytt fast medlem til utvalet. Kontrollutvalet har tre varamedlemer, og rådmannen foreslår at ein av desse vert nytt fast medlem. På grunn av kravet om kjønnsbalanse i kommunale organ tilrår rådmannen at kommunestyret vel anten Linda Tollefsen Ås eller Aud A Steinsland som nytt fast medlem i kontrollutvalet. Rådmannen vurderer at det ikkje er naudsynt å velje nytt varamedlem til kontrollutvalet, men dette står kommunestyret fritt til å gjere dersom ein ynskjer det.

### **Formannskapet - 009/2021**

#### **FOR - behandling:**

Ordfører orienterte om saka og la fram forslag om Linda Tollefsen Aas som nytt fast medlem  
Samrøystes vedteke

#### **FOR - vedtak:**

**Hallgeir Neset vert fritaken frå sitt verv i kontrollutvalet i kommunestyreperioden 2019 - 2023.**

**Linda Tollefsen Aas vert vald som nytt fast medlem i kontrollutvalet i kommunestyreperioden 2019 – 2023.**

### **Kommunestyret - 013/2021**

#### **KS - behandling:**

Ordfører låg fram forslag om at nytt fast medlem vert Linda Tollefsen.  
Samrøystes vedteke.

#### **KS - vedtak:**

**Hallgeir Neset vert fritaken frå sitt verv i kontrollutvalet i kommunestyreperioden 2019 - 2023.**

**Linda Tollefsen vert vald som nytt fast medlem i kontrollutvalet i kommunestyreperioden 2019 – 2023.**

## Sakspapir

| Saksbehandler           | Arkiv  | ArkivsakID |
|-------------------------|--------|------------|
| Anneli Vathe Lilletvedt | FE-011 | 21/26      |

| Saksnr   | Utvalg        | Type | Dato       |
|----------|---------------|------|------------|
| 005/2021 | Valstyret     | PS   | 09.03.2021 |
| 014/2021 | Kommunestyret | PS   | 25.03.2021 |

### Stortingsvalet 2021 - Valkrinsar - Elektronisk avstemming

#### Forslag til vedtak:

Modalen kommune skal ha to valkretsar ved stortingsvalet 2021, Mo og Øvre Helland.

Det skal nyttast elektronisk avkryssing på valdagen.

#### Saksopplysningar:

#### Bakgrunn

Før Stortingsvalet 2021 skal kommunestyret avgjera kor mange valkrinsar ein skal ha i kommunen, jfr. Vallova § 9-3. Folkeregistermyndet skal vera orientert om endringar i røystekrinsinndeling innan 31. mars i valåret. Modalen kommune har hatt 2 valkrinsar.

Nokre praktiske rutinar i høve avvikling av val har blitt endra dei siste åra, bl.a. tydlegare krav til universell utforming av vallokale og elektronisk avkryssing i manntalet på valdagen

#### Vurdering

Det er om lag 300 røysteføre innbyggjarar i Modalen kommune.

Utifrå tal røysteføre er behovet for 2 valkrinsar soleis ikkje naudsynleg, men avstand og dårleg intern offentleg kommunikasjon veg imot. For å effektivisera arbeidet med avvikling av val, kan reduksjon av tal krinsar vera positivt. Det vil bli ferre personar involvert i røystestyra og ferre vallokale å administrera. Kommunen har i dag sentral samla teljing. Modalen kommune er opptatt av å ha høg valdeltaking, og ved samanslåing av kretsar kan ein risikera at detakinga går ned.

Modalen kommune har innført elektronisk avkryssing på valdagen. Dette letta arbeidet monaleg for røystestyra og administrasjonen på valdagen, og redusera feilkjelder ved kryssing i manntalet. Modalen kommune har hatt elektronisk avkryssing i manntalet under førehandsrøysting, og har gode røynsler med dette.

Ved elektronisk avkryssing i manntalet på valdagen er det ein føresetnad med stabil nett tilgang i vallokalet, og ein må ha nokre pc`ar disponible for valfunksjonærane.

Det vil framleis vera høve å førehandsrøysta før valet.

### **Konklusjon**

Rådmannen rår til at ein vidarefører å ha to røystekrinsar, og at ein legg til rette for opplæring og bruk av ordninga med elektronisk avkryssing i manntalet på valdagen.

## **Valstyret - 005/2021**

### **VS - behandling:**

Samrøystes vedteke

### **VS - vedtak:**

**Modalen kommune skal ha to valkretsar ved stortingsvalet 2021, Mo og Øvre Helland.**

**Det skal nyttast elektronisk avkryssing på valdagen.**

## **Kommunestyret - 014/2021**

### **KS - behandling:**

Samrøystes vedteke.

### **KS - vedtak:**

**Modalen kommune skal ha to valkretsar ved stortingsvalet 2021, Mo og Øvre Helland.**

**Det skal nyttast elektronisk avkryssing på valdagen.**

## Sakspapir

| Saksbehandler           | Arkiv  | ArkivsakID |
|-------------------------|--------|------------|
| Anneli Vatle Lilletvedt | FE-011 | 21/26      |

| Saksnr   | Utvalg        | Type | Dato       |
|----------|---------------|------|------------|
| 009/2021 | Valstyret     | PS   | 09.03.2021 |
| 015/2021 | Kommunestyret | PS   | 25.03.2021 |

### Val av røystestyre for 2021 - 2023

#### Forslag til vedtak:

#### Medlemmer til røystestyre, Øvre Helland 2021 - 2023

Medlem: Siv Aina Gullbrå

Medlem: Vidar Reknes

Medlem: Aud Sonja Fjellanger

Leiar.... Nestleiar....

#### Medlemmer til røystestyre. Mo 2021 - 2023

Medlem: Jarle Midtun

Medlem: Terje Øvre Helland

Medlem: Rannveig Irene Eir Vold

Leiar..... nestleiar.....

## **Saksopplysningar:**

Det skal vera eit røystestyre med minst 3 medlemmer som administrera stemmegivinga på kvar røystestad. Medlemmene i røystestyret vil etter kommunelova vere folkevalde, og reglane i kommunelova om rettar og pliktar for folkevalde gjeld for medlemmane. Kommunestyret fastset kor mange medlemmer det skal vera i røystestyra.

Røystestyret kan setjast saman av kommunalt tilsette og/ eller politikarar. Dersom ein vel politikarar, bør ein syte for ei samansetjing med representantar frå fleire parti. Ein kan og velje personar som ikkje er politikarar, så lenge dei er folkeregisterført som busette i kommunen. Kommunestyret vel medlemmer til røystestyra og leiarar/nestleiar. Val av røystestyret kan delegerast til valstyret.

Modalen kommune skal ha to valkretsar ved stortingsvalet 2021, Mo og Øvre Helland

Det skal nyttast elektronisk avkryssing i manntalet på valdagen. Det blir tilgang på 2 stk. PC'ar til bruk i vallokala.

## **Valstyret - 009/2021**

### **VS - behandling:**

Samrøystes vedteke

### **VS - vedtak:**

**Medlemmer til røystestyre, Øvre Helland 2021 - 2023**

**Medlem: Siv Aina Gullbrå**

**Nestleiar: Vidar Reknes**

**Leiar: Aud Sonja Fjellanger**

**Medlemmer til røystestyre. Mo 2021 - 2023**

**Leiar: Jarle Midtun**

**Medlem: Terje Øvre Helland**

**Nestleiar: Rannveig Irene Eir Vold**

## **Kommunestyret - 015/2021**

### **KS - behandling:**

Framlegg frå Valstyret:

Øvre Helland: Leiar: Aud S. Fjellanger. Nestleiar: Vidar Reknes

Mo: Leiar: Jarle Midtun, Nestleiar: Rannveig I E Vold

Samrøystes vedteke

### **KS - vedtak:**

**Medlemmer til røystestyre, Øvre Helland 2021 - 2023**

**Medlem: Siv Aina Gullbrå**

**Nestleiar: Vidar Reknes**

**Leiar: Aud Sonja Fjellanger**

**Medlemmer til røystestyre. Mo 2021 - 2023**

**Leiar: Jarle Midtun**

**Medlem: Terje Øvre Helland**

**Nestleiar: Rannveig Irene Eir Vold**

## Sakspapir

| Saksbehandler | Arkiv  | ArkivsakID |
|---------------|--------|------------|
| Ove Sæbø      | FE-140 | 19/198     |

| Saksnr   | Utvalg        | Type | Dato       |
|----------|---------------|------|------------|
| 016/2021 | Kommunestyret | PS   | 25.03.2021 |

### Kommunal planstrategi 2020 - 2023

#### Forslag til vedtak:

**Modalen kommune vidarefører gjeldande kommuneplan utan endringar for kommunestyreperioden 2019 – 2023.**

**Modalen kommune vedtek framlegg til «Kommunal planstrategi 2020 – 2023» slik han ligg føre.**

Modalen kommune vidarefører gjeldande kommuneplan utan endringar for kommunestyreperioden 2019-2023

Modalen kommune vedtek framlegg til «Kommunal planstrategi 2020 – 2023» med desse endringane:

- Områdeplan for Mo/Otterstad/Trohaug med følgjande tema i planarbeidet: Tomte og differensiert bustadtilbod, føre området på Otterstad må tilbake til LNF. Detaljert plantema og arealavgrensing vert omtala i planprogrammet.  
Oppstart 2021
- Kommuneplanen kan opplevast tung og uhandterleg. Ein bør leggje til eit tema/eigen underliggende plan som tek opp vindkraftutbygging på same vis som med småkraftutbygging (vasskraft). Punkt fjernast

#### Saksopplysningar:

I samband med at kommunestyret skal vedta kommunal planstrategi skal det også vurderast og takast stilling til om kommuneplanen skal reviderast.

Førmålet med kommunal planstrategi er å klargjere kva planoppgåver kommunen bør starte opp eller vidareføre for å leggje til rette for ei ønskja utvikling. Kommunal planstrategi erstattar det obligatoriske kravet til rullering av kommuneplanen som ein tidligere fann i plan- og bygningslova.



Planstrategien er eit grunnlag for å beslutte kva planbehov Modalen kommune har, samt ynskjer å prioritere for kommande kommunestyreperiode.

### **Bakgrunn**

Proessen fram til kommunal planstrategi som her ligg føre har gått føre seg sidan hausten 2019 då avgåande kommunestyre evaluerte gjeldande kommuneplan og om det var forhold som tilsa behov for revidering/ny kommunal planstrategi. Dette var innspel som nytt kommunestyre kunne ta med seg i si vurdering i arbeidet med planstrategi. Det vart i tillegg gjennomført ei administrativ evaluering kor rådmannen konkluderte med at gjeldande kommuneplan burde vidareførast utan endringar. Det vart gjennomført eit arbeidsmøte i planutvalet (formannskapet) 8. september 2020.

Formannskapet handsama framlegg til kommunal planstrategi i møte 22.10.20 og gjorde følgande vedtak:

*Modalen kommune legg kommunal planstrategi 2020 – 2023 ut på høyring i 30 dagar før endeleg handsaming i kommunestyret 10.12.20. Framlegget vert i tillegg sendt til omliggande kommunar og regionale og statlege mynde for innspel.*

*Formannskapet bed om at revisjon av kommunen sin miljøplan - klima og energi frå 2010 vert lagt inn i planstrategien i 2022.*

Det kom innspel til planen frå Fylkesmannen i Vestland (no Statsforvaltaren i Vestland), Vestland fylkeskommune og Trygg Trafikk. Innspela har blitt vurdert i samband med framlegg som no ligg føre og er ytterlegare gjort greie for i vedlegg til saka.

### **Vurdering**

Rådmannen si vurdering er at det gjennom gode drøftingar og viktige innspel har gått føre seg ein prosess som har ført fram til framlegg til kommunal planstrategi for Modalen kommune som speglar dei utfordringar og utviklingstrekk kommunen står framføre i inneverande kommunestyreperiode. Rådmannen vurderer i tillegg at det har gått føre seg ein god prosess med omsyn til vurdering av om gjeldande kommuneplan bør reviderast fullt ut, delvis reviderast eller vidareførast utan endringar.

### **Konklusjon**

Rådmannen konkluderer difor med at kommunestyret gjer vedtak om å vidareføre gjeldande kommuneplan slik han ligg føre, samt vedtek framlegg til kommunal planstrategi 2020 - 2023 slik den ligg føre.

## **Kommunestyret - 016/2021**

### **KS - behandling:**

Innspel frå Kristin Nåmdal om framlegg til endra vedtak. Dette vart lagt inn i portalen av ordførar. Ole Kristian Øvre Helland kom med forslag om å leggje til området Trohaug i framlegget. Dette vart lagt inn i alternativt framlegg til vedtak før votering. Ordførar tok etter debatten opp alternativt framlegg til vedtak til votering.

## Samrøystes vedteke

### **KS - vedtak:**

Modalen kommune vidarefører gjeldande kommuneplan utan endringar for kommunestyreperioden 2019-2023

Modalen kommune vedtek framlegg til «Kommunal planstrategi 2020 – 2023» med desse endringane:

- Områdeplan for Mo/Otterstad/Trohaug med følgjande tema i planarbeidet: Tomte og differensiert bustadtilbod, føre området på Otterstad må tilbake til LNF. Detaljert plantema og arealavgrensing vert omtala i planprogrammet.  
Oppstart 2021

- Kommuneplanen kan opplevast tung og uhandterleg. Ein bør leggje til eit tema/eigen underliggande plan som tek opp vindkraftutbygging på same vis som med småkraftutbygging (vasskraft). Punkt fjernast

### **Vedlegg:**

Høyring - kommunal planstrategi - 2020 - 2023 - Modalen kommune

AcosSvarInn.xml

Uttale - Offentleg ettersyn - Modalen - kommunal planstrategi - 2020 - 2023

AcosSvarInn.xml

Høyringsinnspel til Modalen kommune sin planstrategi for perioden 2020-2023

Høyringsinnspel til Modalen kommune sin planstrategi for perioden 2020-2023

Vedlegg - høyringsinnspel med vurderingar

Kommunal planstrategi 2020 - 2023

## Sakspapir

| Saksbehandler | Arkiv  | ArkivsakID |
|---------------|--------|------------|
| Ove Sæbø      | FE-416 | 20/375     |

| Saksnr   | Utvalg        | Type | Dato       |
|----------|---------------|------|------------|
| 007/2021 | Kommunestyret | PS   | 18.02.2021 |
| 017/2021 | Kommunestyret | PS   | 25.03.2021 |

### Saksframlegg retningsline for ungjobb 2021

#### Forslag til vedtak:

Modalen kommune vedtek retningsline for ungjobb 2021 slik ho ligg føre.

Retningsliner vert godkjent slik dei ligg føre med fylgjande endringar:

- Modalen kommune tilbyr alle ungdommar med bustadadresse i Modalen tilbod om sommarjobb. Tilbodet gjeld alle ungdommar i aldersgruppa 16- 20 år (Dvs: det året dei fyller 16, til og med det året dei fyller 20)
- Kulepunkt 1 under 3 oppdrag. Fell bort
- Kulepunkt 3 under 3 oppdrag. Fell bort
- Jobbgarantien gjeld for minimum 3 veker i sommarferien.
- Kulepunkt i retningslinene vedr arbeid på teknisk etat, uteseksjonen om "Bør ha førarkort kl B og helst disponera eigen bil" fell bort
- Det bør lysast ut prosjektstilling(ar) for ungdommar i aldersgruppa 20-23 år som leiar dei yngre sommarjobbarane. Dette heng saman med antal søkarar om sommarjobb.

#### Saksopplysningar:

Det er no mange år sidan ordninga med ungjobb/sommarjobb vart etablert i Modalen. Ordninga har vore eit tilbod til unge frå 16 år kor dei har tatt del i ulike kommunale oppgåver gjennom sommaren. Føre politiske handsaming/orientering vedr. ordninga vart gjort som referatsak i formannskapet i 2010.

Rådmannen fann at det var grunnlag for å vurdere sider ved ordninga slik at erfaringar over tid kunne bidra til naudsynte oppdateringar og endringar. For å vere tydeleg og informativ ovanfor både ungdom og tilsette i kommunen vart det i leiarmøte 17.06.20 beslutta å gjennomføre slik evaluering som skulle munne ut i retningsliner for ungjobb. Rådmannen ynskjer med dette å leggje fram retningsline for ungjobb for kommunestyret til handsaming.

## **Bakgrunn**

Leiar for kundetorget Anneli V. Lilletvedt og ass. rådmann Ove Sæbø har administrert evaluering og utarbeiding av ny retningsline. Undervegs i arbeidet har det kome innspel frå leiarane (alle einingane), reinhaldsavdelinga (teknisk etat), uteavdelinga (teknisk etat) og hovudtillitsvaldgruppa inkl. hovudverneombodet. Ungdomskoordinatoren presenterte utkast for ungdomsklubben 29. januar 2021. Her må det understrekast at det var få unge som møtte. Det var i tillegg planlagt å be om at ungdomsrådet også kunne handsame utkast, men av ulike grunnar har ikkje rådet vore operativt det siste året. Rådmannen vil peike på at det vil vere ynskjeleg å få lagt fram retningslina for handsaming i ungdomsrådet om og når dette er mogleg. Deretter er det mogleg å gjere ei ny handsaming i kommunestyret.

I arbeidet vart det drøfta sentrale problemstillingar som:

- Føremål med ungjobbordninga
- Kva oppgåver som skal løysast av ungjobbarane
- Kven som skal kunne søkje og få tilbod om jobb
- Korleis stille gode og fornuftige krav til søkjarar
- Kva ansvar skal liggje på arbeidsgjevar – ulike oppgåver på ulike ansvarspersonar
- Korleis administrere ordninga på ein god måte
- Erfaringar og innspel

## **Vurdering**

Rådmannen si vurdering er at det er gjennomført eit evauleringarbeid kor mange har gjeve gode innspel. Det er ein svakheit at ikkje ungdomsrådet har fått kome med sine innspl, men det kan takast opp att ved eit seinare høve.

## **Konklusjon**

Rådmannen rår kommunestyret til å vedta retningsline for ungjobb 2021 slik ho ligg føre.

## **Kommunestyret - 007/2021**

### **KS - behandling:**

Assisterande rådmann orienterte om saka og svara på spørsmål.

Kristin Nåmdal fremja forslag om utsetjing av saka. På grunn av at ungdomsrådet ikkje er vald og konstituert, så har ikkje rådet fått uttale seg i saka. Kommunestyret bed om at ungdomsrådet får saka til uttale før saka kjem tilbake til kommunestyret.

Varaordførar tok utsetjingsforslaget opp til votering. Samrøytes vedteke

### **KS - vedtak:**

Utsetje saka.

## **Kommunestyret - 017/2021**

### **KS - behandling:**

Ove Eidsnes låg fram alternativt forlag til vedtak på vegne av Samlingslista. Ordførar låg dette inn i portalen.

Linda Neset: Viktig å synleggjere kva Modalen kommune kan bidra med i starten på jobblivet til ungdom. Må tilby alle jobb i 3 veker frå det året dei fyller 16 til 20 år.

Kristin Nåmdal: Stettar Linda Neset sitt innspel om å tilby jobb til alle ungdommar i alderen 16 - 20 år. Dette er viktig i forhold til identitet og tilknytning til Modalen. Må mobilisere ressursar og sjå det som eit satsingsprosjekt.

Håvard Engeseth: Føreslår å kople på private verksemder og sjå om dei kan tilby oppgåver/oppdrag for ungdom. Kanskje Modalen kommune kan bere kostnader. Kan ein ta vekk 18-års aldersgense på teknisk?

Ordførar låg fram alternativt forslag til vedtak til votering  
Samrøystes vedteke

### **KS - vedtak:**

Retningslinjer vert godkjent slik dei ligg føre med fylgjande endringar:

- Modalen kommune tilbyr alle ungdommar med bustadadresse i Modalen tilbod om sommarjobb. Tilbodet gjeld alle ungdommar i aldersgruppa 16- 20 år (Dvs: det året dei fyller 16, til og med det året dei fyller 20)
- Kulepunkt 1 under 3 oppdrag. Fell bort
- Kulepunkt 3 under 3 oppdrag. Fell bort
- Jobbgarantien gjeld for minimum 3 veker i sommarferien.
- Kulepunkt i retningslinjene vedr arbeid på teknisk etat, uteseksjonen om "Bør ha førarkort kl B og helst disponera eigen bil" fell bort
- Det bør lysast ut prosjektstilling(ar) for ungdommar i aldersgruppa 20-23 år som leiar dei yngre sommarjobbarane. Dette heng saman med antal søkarar om sommarjobb.

### **Vedlegg:**

Uttale frå Modalen ungdomsråd reviderte vedtekter ungjobb

Retningslinjer for ungjobb 2021

Arbeidsinstruks for sommarjobb, historisk utgåve.

Ung jobb - Sak 012/10 i formannskapet